

**վարչական տույժ նշանակելու մասին**

18 դեկտեմբերի 2020թ.

ք.Գյումրի

ՀՀ ՊԵԿ Հյուսիսային մաքսատուն-վարչության պետի ժ/պ Նարեկ Գևորգյանս, քննելով Հայկ Սուրենի Հարությունյանի (անձնագիր՝ AS0681627, հասցե՝ ք. Զերմուկ, Մյասնիկյան փ տուն 3Ա) կողմից մաքսային կանոնների խախտում կատարելու վերաբերյալ նյութերը.

**Պ Ա Ր Զ Ե Ց Ի**

Հայկ Սուրենի Հարությունյանը թիվ 05100033/191120/00045068 տարանցման հայտարարագրով Բագրատաշենի մաքսային կետ-բաժին անցակետով ՀՀ տարածք ներմուծել BMW մակնիշի, 2007 թվականի արտադրության, J31-500847 նույնականացման համարով տրանսպորտային միջոց, որի նշանակման մաքսային մարմին՝ Հյուսիսային մաքսատուն-վարչություն հասցնելու ժամկետը 29.11.2020 թվականը:

Մաքսային հսկողության ներքո գտնվող տրանսպորտային միջոցը և ուղեկցող փաստաթղթերը Հայաստանի Հանրապետության մեկ մաքսային մարմնից մյուս մաքսային մարմին սահմանված ժամկետում չեն հասցվել:

Դեպքի կապակցությամբ 01.12.2020 թվականին Հայկ Սուրենի Հարությունյանի նկատմամբ կազմվել է մաքսային կանոնների խախտման վերաբերյալ արձանագրություն ՀՀ մաքսային օրենսգրքի 195-րդ հոդվածի հատկանիշներով:

Գործի քննությունը նշանակվել է 18.12.2020թ. ժամը 12:00-ին: Արձանագրության և ծանուցագրի օրինակը պատշաճ կարգով ուղարկվել է կողմին: <<ԱՅՓՈՍ> ՓԲԸ-ի կողմից ծրարը հետ է վերադարձվել: Սույն վարույթի շրջանակներում Հայկ Սուրենի Հարությունյանի հաշվառման վայրի վերաբերյալ ՀՀ ՊԵԿ Հյուսիսային մաքսատուն-վարչության պետի 02.12.2020թ. թիվ 27.2/75890-2020 գրությամբ հարցում է կատարվել ՀՀ ոստիկանության անձնագրային և վիզաների վարչություն: ՀՀ ոստիկանության անձնագրային և վիզաների վարչության թիվ 61747-2020 գրությամբ վերջինս հաշվառված է եղել Վայոց Ձորի մարզ, քաղաք Զերմուկ, Մյասնիկյան փ տուն 3Ա հասցեում:

ՀՀ ՊԵԿ գլխավոր քարտուղարի թիվ 1/27.2/75893-2020 գրությամբ հարցում է կատարվել ՀՀ կադաստրի կոմիտե՝ քաղաքացու անվամբ գրանցված գույքի վերաբերյալ՝ ըստ հասցեի: ՀՀ կադաստրի կոմիտեի թիվ 62247-2020 գրությամբ տեղեկացվել է, որ նշված քաղաքացու անվամբ որևէ անշարժ գույքի անվամբ գրանցում կատարված չէ:

ՀՀ ՊԵԿ Հյուսիսային մաքսատուն-վարչության պետի 03.12.2020թ. թիվ Ն/27.2/195543-2020 գրությամբ հարցում է կատարվել ՀՀ ՊԵԿ ներքին անվտանգության վարչություն Հայկ Սուրենի Հարությունյանի սահմանատումների վերաբերյալ տեղեկատվություն ստանալու վերաբերյալ: ՀՀ ՊԵԿ ներքին անվտանգության վարչության թիվ Ն/2-5/195727-2020 գրությամբ տրամադրված տեղեկությունների

համաձայն Հայկ Սուրենի Հարությունյանը 26.05.2020թ.-ին Բագրատաշենի կետ-բաժին անցակետով մուտք է գործել Հայաստանի Հանրապետություն:

ՀՀ մաքսային օրենսգրքի 195-րդ հոդվածի համաձայն՝ Հայաստանի Հանրապետության մեկ մաքսային մարմնից մյուս մաքսային մարմին մաքսային հսկողության ներքո գտնվող ապրանքները կամ տրանսպորտային միջոցները սահմանված ժամկետում չհասցնելը՝ առաջացնում է տուգանքի նշանակում՝ 100.000 ՀՀ դրամի չափով:

ՀՀ մաքսային օրենսգրքի 219-րդ հոդվածի 2-րդ մասի համաձայն՝ մաքսային կանոնների վերաբերյալ գործը կարող է քննվել նաև տվյալ անձի բացակայության դեպքում, եթե քննության տեղի և ժամանակի մասին սահմանված կարգով նրան տեղյակ է պահվել, սակայն վերջինիս կողմից որևէ միջնորդություն չի հարուցվել, կամ եթե անձը բացակայում է, և հայտնի չէ նրա գտնվելու վայրը, կամ եթե նա գտնվում է Հայաստանի Հանրապետության սահմաններից դուրս: Նույն հոդվածի 3-րդ մասի համաձայն 2-րդ կետում նշված դեպքում մաքսային մարմնի պաշտոնատարն անհրաժեշտ բոլոր գործողությունները կատարում և գործը քննում է օրենսդրությամբ սահմանված կարգով:

Ելնելով վերոգրյալից և ղեկավարվելով ՀՀ մաքսային օրենսգրքի 195-րդ, 206-րդ և ՀՀ վարչական իրավախախտումների վերաբերյալ օրենսգրքի 32-րդ և 234-րդ հոդվածներով՝

#### Ո Ր Ո Շ Ե Ց Ի

1. Հայկ Սուրենի Հարությունյանին ճանաչել զանցառու ՀՀ մաքսային օրենսգրքի 195-րդ հոդվածով և նրա նկատմամբ նշանակել վարչական տուգանք՝ 100.000 ՀՀ դրամի չափով (վարչական տուգանքն անհրաժեշտ է փոխանցել 900005024055 հաշվեհամարին, նշելով Հյուսիսային մաքսատուն-վարչության կողմ՝ 28):

2. Որոշման մասին հայտնել Հայկ Սուրենի Հարությունյանին:

3. ՀՀ մաքսային օրենսգրքի 221-րդ հոդվածի 2-րդ մասի համաձայն որոշումն ուժի մեջ է մտնում այն կայացնելու պահից և համաձայն ՀՀ ՄՕ 222-րդ հոդվածի 2-րդ մասի որոշումը կարող է բողոքարկվել վերադաս մաքսային մարմին (պաշտոնատար անձին) կայացնելուց հետո՝ 10 օրվա ընթացքում կամ ՀՀ վարչական դատարան՝ ՀՀ վարչական դատավարության օրենսգրքով սահմանված կարգով՝ երկամսյա ժամկետում:

ՀՅՈՒՍԻՍԱՅԻՆ

ՄԱՔՍԱՏՈՒՆ-ՎԱՐՉՈՒԹՅԱՆ ՊԵՏԻ

ԺԱՄԱՆԱԿԱՎՈՐ ՊԱՇՏՈՆԱԿԱՏԱՐ

Ն. ԳԵՎՈՐԳՅԱՆ